

靜

語曰聖人主靜立人極夫極者人之大中也聖人主靜非以靜爲善而故主之也是萬物無足以撓其心不求靜而自靜也今之求靜者未得真傳皆曰緊鎖心猿牢拴意馬至於拴鎖不住遂謂此心終不可得而靜也殊不思此不致知之過也致知則明明則見天下之理都是停停當當底一毫私意著不得此所謂知止而后有定定而后能靜靜而后能安也外忘名利則身安內忘思慮則心安人皆曰身安便是福我則曰心安便是道慧可見達摩曰某心未安乞師與安摩曰將心來與汝安可曰覓心了不可得摩曰我與汝安心竟溫則曰三際求心心不有道藏輯要

養真集

聖

菊集九  
卷十三

寸心覓妄妄原無妄原無處卽菩提是則名爲真得道告子之不動心是不得勿求遺棄而不動後世枯槁之士皆告子之流非見道者誰知其謬  
白髮老人曰人能內忘思慮外忘名利則主靜工夫不待言矣若思慮未除名利未斷縱靜片時焉能長久把持與自然看破與未破毫釐之分天壤之異

樂

樂莫樂於得道一日學道一日快活日日學道日日快活終身學道終身快活學道原是安樂法門是以聖人學而不厭周茂叔教二程氏尋孔顏樂處是樂也在各人身中反尋之而自足